

清代歷史資料叢刊

新文  
卷之二  
易宗夔著



2 039 9658 7

清代歷史資料叢刊

易宗夔著

新  
世  
統

新世说

易宗夔著

定价二元

上海古籍书店影印

上海福州路四二四号

江西印刷公司印刷

一九八二年十二月

(古15) 1-11000

### 影印说明

本书仿刘义庆《世说新语》体例，分门别类地记述了清代初期至民国初年的一些人物事迹，并以夹注形式附加小传。蔡元培一九一八年  
的跋文对本书评价颇高，说此书「以见闻所及，精择而雅言之，几乎无  
一字无来历。昔人评《唐语林》曰：『是书虽仿《世说》，而所记典章故实、  
嘉言懿行，多与正史相发明，视刘义庆之专尚清谈者不同。』吾于是书  
亦云」。本书可供清史研究工作者和一般读者阅读参考。现据一九一八  
年排印本缩版影印。

上海古籍书店 一九八二年十二月

## 新世說自序

宋臨川王劉義慶撰世說新語一書。託始漢魏。終止東晉。據撫逸事。宏獎風流。雋旨名言。溢於楮墨。孝標作注。能收錄諸家小史。分釋意義。高似孫緯略。極推其典贍。紀曉嵐則謂其糾正義慶之紕繆。甚爲精核。所引諸書。紀載特詳。裴松之三國志注。酈道元水經注。李善文選注。不是過也。故淹雅碩彥。羣屐少年。皆喜讀而樂道。之後之作者。劉肅倣之爲唐世說。何良俊廣之爲語林。李紹文繼之爲皇明世說。清初王丹麓則著今世說。李鄴嗣又著續世說。其書咸有可觀。然以視臨川王之書。則有間。良以二劉去晉未遠。竹林餘韻。王謝遺風。不啻身親酬酢。掇其語言。而挹其丰采也。予生也。晚幼承先君子耕莘府君庭訓。又從舅氏李少疏先生游。涉獵

於藝林卽酷嗜臨川王之書。以彼片語隻辭別具爐錘。自甘吻頰。非凡響所能及耳。長遊東瀛歸爲議士。益廣交海內賢豪。習聞掌故。輒筆之於冊。以備遺忘。因思前清入主中原。亦越二百六十有八年矣。其政俗之嬗變。朝野之得失。軼事遺聞。更僕難數。顧鐘虞雖移簡冊。猶祕私家。著述充棟汗牛。豈無記載詳贍可供參考者。欲求一斟酌。羣言足諧雅俗之作。戛戛乎難之。迨鼎革以後。當代執政革命偉人。黨派紛拏。互相攻訐。民國記載。亦渺完書。國會散後。留滯燕京。端居多暇。爰不揆擣昧。倣臨川王世說新語體例。編輯一書。名曰新世說。內分德行。言語。政事。文學等三十六門。上起前清初葉。下迄現今。本春秋三世之義。成野史一家之言。品必取其最高。語必取其最雋。行必取其最奇。重實事而屏虛譚。有臧貶

而無恩怨使閱者流連往躅雅趣橫生或疑名賢生平多嘉言懿行詎藉此一言一事以傳不知就此一言一事之微政如頰上添毫睛中點墨但稽已往之陳跡即可見近日名流逸韻之由來更可爲他日論世知人之一助至後之人得覩是書或覆醬瓿或亦如今人於臨川王之書皆喜讀而樂道之則惟付諸茫茫不可知之數而已民國七年九月湘潭易宗夔蔚儒作於宣南寄廬

新世說例言

一是書條目悉遵世說新語原編惟原編祇分三卷每卷析爲上下茲依編輯之便析爲八卷

一是書就事論事如此事可入德行則德行之可入文學則文學之並非以一事概其生平勿疑論列之不當

一世說新語稱爲最多或以官爵或以地望或以名字是書於名賢或字或號祇載其最著者雖至數見俱各從同以便省覽

一是書於先賢稱某公時賢稱某君奸佞墨吏則直斥其名雖無筆削之權微寓予奪之意

一古人著作如班之於馬多全襲其辭以後不可勝數緣事跡未可憑虛以構非故襲舊文也衛正叔之言曰他人著書惟恐不

出於己某著此書。惟恐不出於人。可謂先獲我心矣。

一是書持論務趨平允。近人所著清稗彙鈔。稱洪楊爲盜寇。列孫黃於會匪。固失之偏。而滿清稗史。清宮祕史之類。則又種族之見太深。詆毀之辭過當。茲編一爲廓清之。

一編輯是書時。所資參攷書不下百數十種。紀載之事。雖未能一一標明來歷。要皆具有本末。其言之繁冗而蕪雜者。悉翦裁而修飾之。俾歸於簡雅。

一清代名儒分程朱陸王兩派。經學分漢學宋學兩派。古文分桐城派非桐城派。詩分漢魏唐宋各派。分茅設蘊。入主出奴。是書則並蓄兼收。藉以覩一朝之風會。絕無門戶之見存焉。

一每人於紀事之下。注載姓名里居官爵事略。再見不贅。書有官

者注某某爵里見前無官者注已見前

一政事門間列前賢之武功然祇以對外戰爭爲限至國內戰爭全不敢紀以弭同胞殘殺之嫌

一是書本小說家言以供談助而德行方正雅量箴規等篇修身倫理教員可爲參攷書文學品藻賞譽等篇國文教員可爲參攷書其全部又可爲歷史教員之參攷書至政事爲官僚之圭臬言語爲議員之南鍼賢媛爲閨閣之良師捷悟爲軍人之鴻寶乃其餘事也

一王丹麓所著今世說詳載清初之事辭意雋永妙並臨川是書采錄數十則意在宏暢宗風非敢掠美

一昔人因文網嚴密深自韜晦往往談鬼說狐妙託於寓言詭諱

之列。或則歌功頌德。自附於奴顏婢膝之儻。茲編於怪誕離奇。幽冥果報之說。及帝后達官。無謂之諛詞。概不採錄。

一當代名流高僧閨秀。寄來事略。及詩文。有爲時略後者。不及錄入。是編擬俟收輯稍多。再編續新世說一書。以餉閱者。

一孝標之注世說。旁徵博引。幾至二百餘種。京寓書籍。無多於各人。履歷多注未詳者。尚期海內大雅君子。有以教之。

新世說目錄

卷一

德行

言語

卷二

政事

文學

卷三

方正

雅量

識鑒

賞譽

品藻

捷悟

卷四

規箴

新  
世  
說  
規  
箴

新

世

說

規  
箴

新  
世  
說  
規  
箴

一

夙慧

豪爽

容止

自新

卷五

企羨

傷逝

棲逸

賢媛

術解

卷六

巧藝

寵禮

任誕

簡傲

卷七

排調

輕詆

假謫

黜免

儉嗇

汰侈

卷八

忿狷

讒險

尤悔

紕漏

惑溺

仇隙

新世說卷一

易宗夔撰述

德行第一

孫鍾元少居京師。與左光斗魏大中周順昌相砥以學行。居父母憂。率昆弟苦塊倚廬六年如一日。學使者李蕃疏以純孝表其門。家故貧。嘗與鹿忠節論學。自晨至日晏。屢得豆麪作糜。怡然無不足之色。

孫名奇。逢直隸容城人。年十七舉於鄉。既乃潛心濂洛諸儒之學。鼎革後。前後十一徵不起。天下士識與不識。皆稱曰徵君。晚歲渡河。慕蘇門百泉之勝。遂移家築於夏峯聚徒講學。公卿持使節過衛源。輒屏驕從以一見先生爲快。

李中孚純孝博學。晚歲名益高。中朝必欲致之。公臥稱疾篤。縣官舁其牀至省。大吏親勸於牀前。公絕粒六日至。欲自刎。迺得予假

治疾歸而歎曰。生我名者殺我身。是皆洗心未密。不能自晦之所致爾。自是荆扉反鎖。不與人接。顧亭林至則款之。

李名顥陝西盩厔人。年十六粗解文義。父從軍死。母夫人日言忠孝節義事以督之。稍長以昌明聖學爲己任。縱覽經史百家。至二氏之書。晚年篤守程朱。於是關中士爭向先生問學。自署爲二曲土室病夫云。

黃太冲自言受學劉念臺時。頗喜相尚。以氣節迭經患難。漸造於深純。乃追恨爲過時之學。晚年固辭徵聘。徐元文學士延公子百家纂修明史。公報以書。且諧之曰。昔聞首陽二老託孤於尚父。遂得三年食薇。顏色不壞。吾今遣子從公。可以置我矣。

黃名宗羲一稱梨洲。浙江餘姚人。明御史忠端公尊素長子。忠端以劾魏閹死。詔獄八年。十九入都訟父冤。得雪。名滿天下。益肆力於學。經史百家無所不窺。晚歲乃以濂洛之統綜會諸家。橫渠之禮教。康節之象數。東萊之文獻。艮齋止齋之經術。水心之文章。莫不旁推交通。自來儒林所未有也。

王薑齋於鼎革之後席棘飴茶發譏論攻僉邪既知事不可爲退而著書竄伏巖壑四十年一歲數徙故國之戚生死不亡康熙十八年吳三桂僭號衡州僚屬以勸進表相誣諉公曰亡國遺臣所缺一死耳今焉用此不祥之人遂逃之山中作祓禊賦以示意

王名夫之字而農湖廣衡陽人少負異才讀書十行下後經國變築土室於衡陽之石船山著書數百卷學者稱爲船山先生

陸稼書居父喪屏除酒肉不入內寢爲學以居敬窮理爲主謂窮理而不居敬則玩物喪志而失于支離居敬而不窮理則將掃見聞空善惡其不至師心自用墮於佛老者幾希

陸名隴其浙江平湖人篤守程朱之學其教人必授以朱子小學及程氏讀書分年日程俾學者循序以致功

陸桴亭少時篤志聖賢錢忠介公牧太倉一見奇之曰此子必以魁儒名世甲申後嘗上書南都不見聽尋參人義軍爲當道所指